



PROJEKAT
**PODRŠKE
 GRAĐANIMA
 U BORBI
 PROTIV
 KORUPCIJE**
 NEWSLETTER ZA II KVARTAL 2021.



USAID
 OD AMERIČKOG NARODA



CENTRI CIVILNIH INICIJATIVA
 CENTRI GRAĐANINKE ANGAŽUJETA TERA



TRANSPARENCY
 INTERNATIONAL
 BOSNA I HERCEGOVINA




Opis projekta

Projekat „Podrška građanima u borbi protiv korupcije (ACFC)“ provode Centri civilnih inicijativa (CCI), kao glavni implementator, te Transparency International BiH (TIBiH) i Centar za razvoj medija i analize (CRMA) kao partneri na projektu, a podržan je od strane Američke agencije za međunarodni razvoj (USAID). Projekat se implementira u periodu septembar 2019 – septembar 2024. godine. Cilj projekta ACFC je povećati učešće građana u borbi protiv korupcije, te su sve projektne aktivnosti dizajnirane i osmišljene na način da potiču snažan i održiv antikorupcijski aktivizam u cijeloj zemlji i na svim nivoima. Projekat ACFC ima za svrhu da civilno društvo bude reprezentativno i kredibilno u borbi protiv korupcije. U okviru projekta realizuju se sljedeće aktivnosti:

- Monitoring i zagovaranje antikorupcijskih legislativa u sljedećim oblastima: sukob interesa, zaštita zviždača, javne nabavke i zloupotreba javnih sredstava u izbornim kampanjama;
- Uključivanje građana i izgradnja kulture koja odbacuje korupciju
- Koordinacija i izgradnja kapaciteta uključenih organizacija

Antikoruptivni aktivisti širom Bosne i Hercegovine



Konjic

- UG “Pusti me da tečem”

Mostar

- UG “Jer nas se tiče”
- Ekološka udruga Majski cvijet
- NGG „Stop nelegalnoj gradnji na Bijelom Brijegu“
- Udruženje profesionalaca, trenera i službenika za javne nabavke u BiH (UPTIS)
- NGG „Ne na Buni i u mome Blagaju“

Brčko

- NGG “Za transparentno finansiranje neprofitnih organizacija iz budžeta Brčko distrikta”
- Omladinski centar Vermont
- UG „Demos“

Doboј

- NGG “Za legalnu eksploataciju minerala iz korita rijeke Bosne”
- NGG “Licencirane i akreditovane visokoškolske ustanove - validne i priznate diplome”
- NGG „Uklonite Heksan iz Kotorskog“,
- Centar za humanu politiku
- UG “Tolerancijom protiv različitosti (ToPeer)”

Maglaj

- NGG „Za legalnu eksploataciju minerala u gornjem toku rijeke Bosne“,

Višegrad:

- NGG “Odbranimo rijeke Višegrada”

Vitez

- NGG “Hrabre žene Kruščice”
- NGG “Naše zgrade - naše pravo da znamo”

Sarajevo

- NGG “Hastahana park”
- Inicijativa KCUS
- Udruženje „Ja BiH u EU“
- Udruženje poslodavaca u Federaciji BiH
- BIRN BiH
- Udruženje “Baby Steps”
- Udruženje Sindikat uposlenika Fonda
- Inicijativa za šumarstvo i okoliš
- Aarhus centar

Foča

- UG “Bjelava”

Goražde

- NGG “Spasimo Drinu”

Zenica

- Inicijativa za namjensko i transparentno trošenje sredstava Fonda za zaštitu okoliša FBiH

Trnovo

- NGG “Stop nelegalnom odlaganju otpada na Krupačkim stijenama”
- Istočno Sarajevo**

- NGG “Stop izgradnji mHE na Kasindolskoj rijeci”
- “Ženski interaktivni ruralni centar” (ŽIR)

Jablanica

- UG “Za Doljanku”

Banja Luka

- UG “Restart Srpska
- Unija udruženja poslodavaca Republike Srpske”
- Udruženje „Misli dobro“
- UG “Put pravde”

Drvar

- NGG “Drvar bez nelegalnog otpada“

Zvornik

- NGG „STOP nelegalnim šljunkarama na rijeci Drini“

Bijeljina

- Helsinški odbor za ljudska prava

Trebinje

- UG “Stop mobbing”

Tuzla

- UG “Izgled prirode”

Kreševo

- Kreševski građanski pokret



Kontaktirajte ih putem njihovih FB stranica!

Više na portalu antikorupcija.info



Stop nelegalnoj gradnji mHE

Aktivisti širom Bosne i Hercegovine samo nižu pobjede u borbi protiv nezakonite izgradnje mHE na rijekama koje predstavljaju simbol života i opstanka tim građanima. Hrabri građani Konjica predvođeni udruženjem građana **“Pusti me da tečem”** dobili su još jednu bitku u svojoj dugotrajnoj borbi protiv izgradnje 15 mini hidroelektrana na rijeci Neretvici. 700 građana je 14. juna, formirajući zid od svojih tijela, po drugi put zaustavilo planirani početak radova na izgradnji 2 mHE. Sa protesta su građani Konjica poručili **“Možete proći samo preko nas mrtvih”**.



„Njihovo je da probaju, naše je da ne damo i neće dobiti garantujemo“, Vejsil Hondo, Konjica.



Zahvaljujući istrajnosti građana Foče okupljenih oko neformalne grupe građana **„Sačuvajmo rijeke Foče“**, ostvarene su pobjede i na lokalnom i na republičkom nivou u borbi protiv izgradnje mHE Bjelava. Rezultat jednogodišnje borbe istrajnih građana Foče protiv nelegalne gradnje mHE Bjelava je tematska sjednica novog saziva Skupštine Opštine Foča na kojoj je jedna od tačaka dnevnog reda bila izgradnja mHE Bjelava. Na tematskoj sjednici održanoj 20. maja je odlučeno da se od nadležnog ministarstva i Komisije za koncesije zahtijeva da izvrši analizu i preispitivanje zaključenih koncesionih ugovora, kao i da se prilikom preispitivanja koncesionih ugovora uzme u obzir blizina glavnog vodovoda i cjevovoda mHE kako se ni u jednom trenutku ne bi dovelo u pitanje bezbjedno snabdijevanje građana pitkom vodom, što su i bili glavni zahtijevi građana Foča. Nakon toga je Ministarstvo za prostorno uređenje, građevinarstvo i ekologiju RS stopiralo izdavanje dozvola za gradnju mHE “Bjelava”, do okončanja pokrenutih sudskih i upravnih sporova, čime su stopirane sve dalje aktivnosti u ovom slučaju i potvrđeni svi apeli građana Foče za reakcijom na neregularnosti i kršenja zakona.

Poništena ekološka dozvola

Sa druge strane građani Mostara okupljeni oko inicijative **Stop izgradnji mHE Buna 1 i 2** dobili su podršku lokalne vlasti, naime pokrenuta je vijećnička inicijativa za donošenje odluke o zabrani izgradnje mHE na Bunskim kanalima, prije donošenje novog prostornog plana Grada Mostara za period 2021.-2031. koji je planiran krajem godine. Osim toga, Odjel za gospodarske, komunalne i inspeksijske poslove Grada Mostara je i službeno od gradskog Odjela za urbanizam zatražio brisanje lokaliteta Buna 1 i Buna 2 iz prostornog plana kao područja izgradnje hidroelektrana.



„Ne damo Drinu, Drina nam je sve“, Mirsad Kadrić, Goražde

I upornost građana Jablanice okupljenih oko udruženja građana „**Za Doljanku**“ se isplatila. Zahvaljujući njihovoj istrajnosti Kantonalni sud u Sarajevu je u poništio rješenje Federalnog ministarstva turizma i okoliša kojim se kompaniji Eko-Vat iz Jablanice izdaje okolinska dozvola za izgradnju male hidroelektrane Zlate na rijeci Doljanki kod Jablanice.

Uporni građani Istočnog Sarajeva okupljeni oko neformalne grupe građana „**Stop izgradnji mHE na Kasindolskoj rijeci**“ su za 7 dana prikupili preko 2000 potpisa građana sa teritorije Grada Istočno Sarajevo za građansku inicijativu o zabrani gradnje mHE na Kasindolskoj rijeci. Građansku inicijativu su istrajni građani predali 04. juna Skupštini Grada istočno Sarajevo, koja je prekršila zakonski rok prema kojem u periodu 30 dana trebaju uzeti u razmatranje građansku inicijativu ili se očitovati o istoj. Hrabri građani su organizovali i mirno okupljanje ispred zgrade Skupštine Grada Istočno Sarajevo kako bi obavijestili javnost o kršenju zakonskog roka.





Pokrenute krivične prijave

Upornost građana i građanki Bosne i Hercegovine pobjeđuje u borbi protiv nelegalnog i nezakonitog izvlačenja i eksploatacije šljunka iz korita rijeke Bosne i Drine.

Hrabrost neformalne grupe građana „**Za legalnu i kontrolisanu eksploataciju šljunka u slivu rijeke Bosne**“, koja je predala krivične prijave za brutalnu devastaciju 1.500 hektara poljoprivrednog i priobalnog zemljišta uz rijeku Bosnu u širem području Osječana kod Doboja, rezultirala je podizanjem tri optužnice protiv odgovornih lica u tri privredna društva, koje je objelodanilo Okružno javno tužilaštvo Doboj. Osim toga zahvaljujući njihovoj hrabrosti i istrajnosti građana koji su podnijeli krivičnu prijavu za devastaciju zemljišta, Policijska uprava Doboj, je podnijela Izvještaj o izvršenom krivičnom djelu Okružnom javnom tužilaštvu Doboj protiv 2 osobe zbog osnova sumnje da su izvršili krivična djela “Protivzakonito zauzimanje i eksploatacija prirodnih bogatstava i dobara od opšteg značaja” i “Nezakonito postupanje u

privrednom poslovanju”.

Ni građani Zvornika ne odustaju, neformalna grupa građana “**Zaustavimo nelegalnu eksploataciju šljunka i devastiranje obale rijeke Drine na području Zvornika**” podnijela je četiri prijave Vodnim inspekcijama Inspektorata RS i Policijskoj upravi Zvornik te su krivičnu prijavu uputili i Okružnom javnom tužilaštvu Bijeljina. Nakon toga je Policijska uprava dostavila dopise Republičkoj upravi za inspeksijske poslove, Ministarstvu poljoprivrede, šumarstva i vodoprivrede RS, Ministarstvu energetike i rudarstva RS, Gradskoj upravi Zvornik i Upravi za indirektno oporezivanje BiH tražeći da preduzmu mjere i radnje iz svoje nadležnosti.

Također, građani Maglaja okupljeni oko inicijative „**Zaustavimo nelegalnu eksploataciju šljunka u Maglaju**“ su na okruglom stolu dobili podršku glavnog federalnog vodoprivrednog inspektorata koji je istakao da je za njih, u rješavanju ovog problema, saradnja sa građanima od ključnog značaja.

„Ovo znači da ćemo se morati iseliti odavde, kada ne bude rijeke i ovog korita, kad ne budemo imali vodenice, mi nemamo šta više ovdje raditi“, Miloš Vujičić, mještalin i vlasnik vodenice na rijeci Bjelava.

Građani uspjeli - uklonjene opasne hemikalije



Upornost građana i građanki Bosne i Hercegovine pobjeđuje u borbi protiv nelegalnog i nezakonitog djelovanja u njihovim lokalnim zajednicama.

Nakon višegodišnjih uzaludnih upozoravanja da u naselju Kotorsko kod Doboja bez ikakvog obezbjeđenja stoji više od 30 tona opasnih hemikalija koje prijete da izazovu nesagledive posljedice po život i zdravlje mještana, građani okupljeni oko neformalne grupe građana „Uklonite heksan iz Kotorskog“ su zahvaljujući svojoj upornosti i hrabrosti konačno dočekali početak uklanjanja velike količine opasne materije heksan koja se nalazi u napuštenoj fabrici. Početkom jula je završeno izmještanje 45 tona heksana, za 15 tona više od očekivanog, iz neposredne blizine naseljenog mjesta, a potvrdom Ministarstva prostornog uređenja, građevinarstva I ekologije RS I Republičke uprave za inspeksijske poslove RS da su opasne hemikalije uklonjene, uspjeh je, nakon samo nekoliko mjeseci kampanje, okončana borba stanovnika Kotorskog protiv ekološke katastrofe sa kojom se suočavaju od 2018.

I udruženje građana „Jer nas se tiče“ koji se godinama bore protiv nelegalne deponije Uborak u Mostaru je konačno uspostavilo saradnju sa lokalnim vlastima. Saradnja sa novoizabranim vlastima te upornost i istrajnost građana Mostara je rezultirala pokrenutim koracima ka rješavanju ovog problema. Organizovanjem tematske sjednice u junu 2021. kojoj su prisustvovali predstavnici firmi koje se bave odlaganjem otpada kako bi ponudile rješenja za ovu deponiju, započeta je procedura iznalaženja najboljeg rješenja. Na tematskoj sjednici je zaključeno da se formira komisija koja će razmotriti dostavljene prijedloge i najbolje od njih će prezentirati Gradskom vijeću. Pored toga, u junu je održana i javna rasprava o studiji uticaja postojeće deponije Uborak, a i vijećnici sa gradskog područja sjever su na zahtjev građana, u Gradskom vijeću Grada Mostara pokrenuli inicijativu za povlačenje tužbe Grada i javnih preduzeća protiv građana. Krajnje, općinski sud u Mostaru donio je Rješenje kojim se poništava Rješenje o privremenoj mjeri osiguranja prema kojoj su okupljanja građana ispred deponije bila zabranjena.



*„Ovdje se igraju naša djeca, Uborak je problem svih nas“,
Mostar*

Pobjede u borbi protiv korupcije




Počelo rušenje nelegalnog sprata

Ostvarena je još jedna značajna pobjeda u Mostaru, zahvaljujući hrabrosti građana okupljenih oko inicijative „**Stop nelegalnoj gradnji na Bijelom Brijegu**“ Grad Mostar je izdao nalog za rušenje spornog, 6. sprata zgrade u naselju Bijeli brijeg, protiv čega su se građani mjesecima borili.



“Ugroženo nam je pravo na vodu, pravo na vazduh, pravo na hranu jer sutra kada bude zagađenost podzemnih voda ogromna, biljke koje mi uzgajamo će biti otrovne”,

Roksanda Mičić, Istočno Sarajevo.



Podršku antikoruptivnim aktivistima iz Drvara možete pružiti putem online peticije na linku <https://bit.ly/34rL3hO>. Ovom peticijom građani okupljeni oko inicijative “**Kaznimo odgovorne za otpad u Drvaru**” svojim potpisom i potpisom ostalih građana zahtijevaju da trenutni Ministar graditeljstva, obnove, prostornog uređenja i zaštite okoliša Kantona 10 snosi odgovornost i podnese ostavku ili bude smijenjen zbog toga što je izdavanjem rješenja za rad nepostojećoj fabrici, na osnovu krivotvorenih papira, ugrozio životnu sredinu Drvara, te prouzrokovao veliku štetu svim građanima kako Drvara tako i Kantona 10.





USPJEŠNE KAMPANJE U BORBI PROTIV KORUPCIJE

UG Demos je u okviru svog projekta “**Skenirajmo korupciju**” putem ulične akcije promovisala projekat i problem javnih nabavki CT i MRI aparata za brčansko zdravstvo. “Ono što mi, ustvari, želimo sa ovom i svim prijašnjim našim aktivnostima je da skrenemo pažnju na ovaj problem i da, koliko je u našoj moći, apelujemo na sve nivoe vlasti od Vlade, Skupštine i komisije koja je u proteklom periodu vodila procese javnih nabavki da se napokon uozbilje, jer sutra potencijalno i mi možemo da budemo pacijenti kojima je nužno postojanje CT aparata, dobre dijagnostike i kvalitetnih nalaza, jer to jednostavno spašava živote”, poručio je Damjan Dundžić, koordinator projekta. Nakon sastanka, predsjednik Skupštine Brčko distrikta, Siniša Milić je podržao aktivnosti UG Demos povodom monitoring javnih nabavki CT i MRI.

Inicijativa za šumarstvo i okoliš – FEA je u okviru projekta “**Aplikacija za anonimnu prijavu ilegalnih aktivnosti u šumarstvu**” uz pomoć građana uspostavila saradnju sa ciljnim grupama i korisnicima projekta (javne institucije i građani) te održala inicijalni sastanak sa predstavnicima Ministarstva poljoprivrede, vodoprivrede i šumarstva ZDK kao i sa Timom Vlade za borbu protiv korupcije ZDK te kick-off sastanak sa javnim institucijama u ZDK. FEA je potpisala Memorandum o saradnji sa Ministarstvom privrede KS/Upravom za šumarstvom KS, KJP „Zeničko – dobojske šume“ d.o.o., Ministarstvom poljoprivrede, vodoprivrede i šumarstva ZDK, Upravom za šumarstvo ZDK, KJP „Sarajevo-šume“ d.o.o. U segmentu jačanja kapaciteta šumarskih institucija i javnih šumarskih preduzeća održani su kick-off sastanci te su potpisani Memorandum o saradnji definisane odgovornosti i nadležnosti uključenih institucija.





Aktivisti **Karton revolucije** mjesecima vode istrajnu bitku kako bi Dom zdravlja u Tuzli dobio prijeko potreban mamograf. U maju je ova borba dijelom završena jer je jedan mamograf stigao u ovu zdravstvenu ustanovu. Adi Selman, jedan od osnivača Karton revolucije, pojasnio je koliko dolazak mamografa u tuzlanski Dom zdravlja smatra važnim korakom i da li će se time jedan dio zdravstvenog sektora popraviti. Nakon više od 6 mjeseci aktivnog ukazivanja na prisustvo korupcije i nepotizma u našem društvu u večernjim satima 30. juna i ranim jutarnjim satima 01. jula aktivisti pokreta su realizovali veliku uličnu akciju ljepljenja plakata sa sadržajem “Dom zdravlja je pozitivan na korupciju, vrijeme je za liječenje” i “Dok stavljate probleme korupcije u kraj, znajte da vam mi stojimo na kraju”. Ovim su htjeli da podignu svijest građana i kreiraju značajniji pritisak javnosti na odgovorne u Domu zdravlja Tuzla gdje je već duži vremenski period prisutan potpuni kolaps zdravstvene zaštite kada je u pitanju odijel radiologije, odnosno pregledi i očitavanje snimaka mamografom, zbog čega su direktno ugroženi životi građana i građanki Tuzle.




Nakon toga su na adresu Tužilaštva Tuzlanskog kantona dostavili informacije sa kojima raspolažu o razlozima nefunkcionisanja primarne zdravstvene zaštite žena na odijelu radiologije-mamografija kao i druge podatke i indicije koje ukazuju na prisustvo korupcije, nepotizma kao i drugih oblika nezakonitih radnji.

Baby steps je u okviru svoje kampanje “**Borba protiv korupcije u porodilištima**“ kroz istraživanje došla do saznanja da preko 2 miliona KM godišnje procirkuliše porodilištima u vidu mita i raznih vrijednih poklona osoblju porodilišta. Na početku kampanje fokus je bio na tome da se mijenjaju pogrešna uvjerenja i percepcije o tome šta davanje novca i poklona zdravstvenim radnicima znači, jer se očitovalo da su uvriježeni stavovi kako zdravstveni radnici to zaslužuju zbog svoje »usluge« porodiljama, te kako je to običaj i time također pravo osoblja porodilišta, ne nazivajući korupciju njenim pravim imenom. Kako bi se dobio direktan pristup korisnicima zdravstvenog sistema koji su pogođeni ovim problemom, formirana je grupa **MOJ POROD MOJE PRAVO**, gdje porodilje mogu dijeliti iskustva te biti informisane o svojim pravima, i načinima prijave korupcije, u okviru koje je prikupljeno više od stotinu anonimnih pisanih ličnih iskustava iz porodilišta iz BiH, koja svjedoče o težini ovog problema i daju uvid u načine na koji se korupcija u porodilištima manifestuje.

Udruženje Sindikat uposlenika Fonda kroz svoj projekat “**Sistematično i beskompromisno protiv systemske korupcije u javnom sektoru**” koja ugrožava pravo na rad i dostojanstvo osoba sa invaliditetom u Federaciji BiH uspelo da sada transparentno objavljuje izvještaje o svom radu kao i izvještaje sa sjednica Upravnog odbora ove institucije što ranije nije bio slučaj. Osim toga, doprinijeli su povećanju izdvajanja javnog novca za profesionalnu rehabilitaciju i zapošljavanje osoba sa invaliditetom. Jedan od fokusa monitoringa rada Fonda za profesionalnu rehabilitaciju i zapošljavanje osoba sa invaliditetom je bio i da se ukaže da ovaj Fond na računima kod banaka čuva preko 22.000.000,00 KM umjesto da ih dodjeljuje za projekte u oblasti profesionalne rehabilitacije i zapošljavanja osoba sa invaliditetom. Također, dali su svoj doprinos u slučajevima zloupotreba prilikom zapošljavanja osoba sa invaliditetom u privrednim društvima Apel promet d.o.o. Travnik i Zagrljaj d.o.o. Sarajevo – podružnica Olovo gdje su u prvom slučaju doprinijeli ubrzanju istraga od strane Kantonalnog tužilaštva SBK Travnik a u drugom slučaju doprinijeli istražnim radnjama koje je provodila Finansijska policija. Pored navedenog uspjeti su pokrenuti svojevrsnu istragu koja se odnosi na privredna društva za zapošljavanje osoba sa invaliditetom, jer prema zvaničnoj informaciji Federalnog ministarstva rada i socijalne politike u Federaciji BiH ima 172 aktivna privredna društva za zapošljavanje osoba sa invaliditetom dok prema Fondu za profesionalnu rehabilitaciju i zapošljavanje osoba sa invaliditetom broj aktivnih ovih društava je 115. Obratili su se Federalnom ministarstvu rada i socijalne politike da izvrši upravni nadzor kako bi se utvrdilo šta je sa preko 55 privrednih društava za zapošljavanje osoba sa invaliditetom koja su najvjerovatnije zluopotrijebila sredstva i osobe sa invaliditetom.

Udruženje Ja bih u EU su u okviru projekta **“Bez štele i pošteno”** sa mladima iz cijele BiH radili su na aktuelnim i nezavršenim slučajevima korupcije u obrazovanju, javnim nabavkama, pravosuđu, zdravstvu i farmaceutskoj industriji na dva nivoa: zagovaranjem prema nadležnim institucijama da se konačno riješe slučajevi korupcije i javnom kampanjom kojom bi se javnost podsjetila na slučajeve Pero, Respiratori, Pandora, GSK. Kroz takmičenje pod nazivom „Bez štele i pošteno“ javnosti se na kreativan način prikazala sama problematika slučaja Pandora. Uslijedili su Guerilla događaji u tri grada u BiH, na jednom od njih je i prisustvovao i načelnik Mrkonjić Grada, a projektu je podršku pružio i načelnik policije Jajca te načelnik Jajca pismenim putem.

Argumentovani prijedlozi nastali nakon sastanka Stručnog tijela za izradu Zakona o jedinstvenom postupku izvođenja inspekcijaskog nadzora, Zakona o izmjenama i dopunama zakona o inspekcijama, Zakona o izmjenama i dopunama zakona o prekršajima FBiH i Zakona o izmjenama i dopunama zakona o upravnom postupku u organizaciji Udruženja poslodavaca FBiH u okviru projekta **“Poslovanje bez korupcije”** su uvaženi i inkorporirani u tekst Zakona. Zahvaljujući aktivnosti UPFBiH 24.06.2021. održana je online tematska sjednica Ekonomsko-socijalnog vijeća za teritorij FBiH o temi „Poslovanje bez korupcije”, na kojoj su jednoglasno podržani prijedlozi UPFBiH, uz napomenu da je korupcija sa kojom se susreću privrednici u svom poslovanju hronični problem cjelokupnog društva.



U sklopu **Antikorupcijske kampanje i podizanja svijesti javnosti o radu Tužilaštva u Republici Srpskoj** koje implementira udruženje građana **“Put Pravde”** Banja Luka održan je promotivni štand na Trgu Krajine na kojem su građani potpisivali peticiju i odgovarali na pitanje u sklopu istraživanja. “Najočigledniji primjer je slučaj ubistva Davida Dragičevića u kojem je postupajući tužilac Okružnog javnog tužilaštva zajedno sa glavnim okružnim tužiocem neadekvatno postupao i vodio istragu, odnosno, vodio istragu u pogrešnom pravcu radi neutvrđivanja istine o stradanju Davida Dragičevića”, izjavila je Sofija Grmuša. Građanima su uputili javni poziv kojim ih ohrabruju da pošalju svoja iskustvo na temu rada Tužilaštva i postupanja tužioca.

ANTIKORUPCIJA

Izdvajamo 3 najčitanije vijesti sa portala antikorupcija.info:

»Ekskluzivno: Video snimak katastrofalnih posljedica nelegalnog šljunkarenja na koje vlast nije reagovala«

Fotografije devastacije zemljišta kod Doboja na području Osječana, koje je snimila neformalna grupa građana „Za legalnu i kontrolisanu eksploataciju šljunka u slivu rijeke Bosne“, naišli su sa objavom na portalu Antikorupcija.info na veliku pažnju javnosti, pa i na nevjericu da se radi o stvarnim prizorima.

Nastavak možete pročitati na:
www.antikorupcija.info

GRAĐANI U AKCIJI



► U fokusu -

Za legalnu i kontrolisanu eksploataciju šljunka u slivu rijeke Bosne - neformalna grupa građana Doboja, Modriče, Vukosavlja i Šamca

EKSKLUZIVNO: VIDEO SNIMAK KATASTROFALNIH POSLJEDICA NELEGALNOG ŠLJUNKARENJA NA KOJE VLAST NIJE REAGOVALA

© 17.03.2021 ▲ L.J.D., Antikorupcija



GRAĐANI U AKCIJI



► Za legalnu i kontrolisanu eksploataciju šljunka u slivu rijeke Bosne - neformalna grupa građana Doboja, Modriče, Vukosavlja i Šamca

EKOLOŠKA KATASTROFA KOD DOBOJA. GRAĐANI ZAHTJEVAJU ODGOVORNOST!

© 15.03.2021 ▲ L.J.D., Antikorupcija (Foto: NGG)



Nelegalna eksploatacija šljunka od obradivih je površina uz rijeku Bosnu stvorila područja koja nalikuju posljedicama katastrofalnih poplava.

»Ekološka katastrofa kod Doboja. Građani zahtjevaju odgovornost!«

Neformalna grupa građana „Za legalnu i kontrolisanu eksploataciju šljunka u slivu rijeke Bosne“ uputila je otvoreno pismo Vladi RS, odnosno Ministarstvu poljoprivrede, šumarstva i vodoprivrede i Ministarstvu energetike i rudarstva, te, Javnoj ustanovi „Vode Srpske“ i Republičkoj upravi za inspeksijske poslove, u kojem ih argumentovano, sa priloženim dokazima, upozoravanju na ekocid na području opštine Doboja, nastao pretjeranom i nelegalnom eksploatacijom prirodnih resursa.

Nastavak možete pročitati na:
www.antikorupcija.info

»Spektakularan preokret: Policija otkriva da su radovi na MHE Bjelava rezultat prevare direktora Srbinjeputeva?«

Da li je ovim okončana agonija mještana i eko-aktivista, koji se već mjesecima bore protiv izgradnje mini hidroelektrana na ovom području i vlastima na svim nivoima ukazuju na nezakonito postupanje investitora? I da li će konačno moći biti održana sjednica Skupštine opštine Foča, blokirana upravo na ovom pitanju?

Nastavak možete pročitati na:
www.antikorupcija.info

GRAĐANI U AKCIJI



► NGG "Šačuvajmo rijeke Foče" i UG "Bjelava" - Inicijativa protiv izgradnje MHE u opštini Foča • U fokusu

SPEKTAKULARAN PREOKRET: POLICIJA OTKRIVA DA SU RADOVI NA MHE BJALAVA REZULTAT PREVARE DIREKTORA "SRBINJEPUTEVA"?

© 13.10.2020 ▲ T.H., Antikorupcija



Da li je ovim okončana agonija mještana i eko-aktivista, koji se već mjesecima bore protiv izgradnje mini hidroelektrana na ovom području i vlastima na svim nivoima ukazuju na nezakonito postupanje investitora? I da li će konačno moći biti održana sjednica Skupštine opštine Foča, blokirana upravo na ovom pitanju?

VOLONTERI MONITORING MREŽE JAVNIH NABAVKI

Selekcija, obuka i uključivanje volontera u monitoring mrežu provodi se kontinuirano, po prispjeću prijava na javni poziv. U ovom periodu mreži se pridružila grupa od sedam novih volontera, za koje je 10. maja 2021. organizovan i održan trening o metodologiji monitoringa javnih nabavki i korišćenju portala pratimotendere.ba. Odmah nakon održanih obuka volonteri su se uključili u aktivno i kontinuirano praćenje postupaka javnih nabavki.

Mreža volontera je oformljena s ciljem kontinuiranog praćenja javnih nabavki, ali pruža mladim ljudima i šire perspektive građanskog antikorupcijskog aktivizma. Kroz angažman u monitoring mreži volonteri stiču znanja o monitoringu, sistemu javnih nabavki, kako se prate i otkrivaju netransparentne, diskriminatorne i javne nabavke sa elementima korupcije, ali dobijaju i priliku za lični razvoj, jačanje antikorupcijske svijesti i društveni antikorupcijski aktivizam.

VOLONTERI MONITORING MREŽE JAVNIH NABAVKI



PRATIMO TENDERE
www.pratimotendere.ba

"Kroz rad na monitoringu javnih nabavki stekla sam znanja o tome kako i na koji način se troši novac građana. Zahvalna sam na prilici da se uključim u ovaj projekat i dam svoj doprinos u borbi protiv korupcije. Zahvaljujući mentorskoj podršci na ovom projektu, proširila sam svoja znanja radeći na inovativnom portalu pratimotendere.ba"

Berina Pešalić (27), Sarajevo



VOLONTERI MONITORING MREŽE JAVNIH NABAVKI



PRATIMO TENDERE
www.pratimotendere.ba

"Radionica mi je pomogla da steknem nova iskustva i vještine koje su se pokazale veoma korisnim za slavljanje kompleksnijih procesa javne nabavke. Zahvalan sam na prilici da se uključim jer mi je ovo pružilo nova znanja i otvoriло da steknem što više znanja iz različitih oblasti."

Edis Zuko (23), Jajce



VOLONTERI MONITORING MREŽE JAVNIH NABAVKI



PRATIMO TENDERE
www.pratimotendere.ba

"Drago mi je da sam imala priliku okusiti se u nečemu dosad nepoznatom pod mentorstvom sjajnih predavača. Ovakvim edukacijama mladi se upoznavaju sa značenjem javnih nabavki i njihovim sve češćim malverzacijama. Motivirana sam educirati se i dalje u ovom smjeru i obožavati svoje znanje i vještine. Stečeno znanje ću iskoristiti u svojem profesionalnom djelovanju."

Kristina Gadže (26), Ljubuški



Monitoring mreža kojom koordinira Udruženje CRMA, kontinuirano provodi monitoring javnih nabavki putem portala Pratimotendere.ba. U ovom izvještajnom periodu su prikupljeni, analizirani i verifikovani podaci o ukupno 2133 postupka javnih nabavki, ukupne vrijednosti 35 miliona KM bez PDV. Od ukupnog broja praćenih nabavki, 1036 se odnosi na nabavke roba, 987 na nabavke usluga, a 110 na nabavke radova.

VOLONTERI MONITORING MREŽE JAVNIH NABAVKI



PRATIMO TENDERE
www.pratimotendere.ba

"Zahvalna sam na prilici što sam kao volonter pružila doprinos u borbi protiv korupcije koja narušava povjerenje u javne institucije. Čast mi je što je upravo rad za ovaj projekat bio moje prvo radno iskustvo."

Adna Česko (21), Sarajevo



VOLONTERI MONITORING MREŽE JAVNIH NABAVKI



PRATIMO TENDERE
www.pratimotendere.ba

"Bilo je zadovoljstvo učestvovati u ovom projektu, dati svoj doprinos u borbi protiv korupcije i naučiti nove stvari o monitoringu javnih nabavki, a sve to uz profesionalan tim predavača i sjajne kolege."

Azelma Halvadžić (25), Tešanj



Analize i statistički trendovi pokazuju nastavak kršenja Zakona o javnim nabavkama BiH i kršenja dobrih antikorupcijskih praksi potrošnje javnih sredstava kroz sistem javnih nabavki:

- Od analiziranih 2133 postupaka, kod 1765 (83%) je identifikovan određeni stepen korupcijskog rizika – srednji stepen rizika (žuta zastavica) kod 1067 (50%) nabavki, visok stepen rizika (crvena zastavica) kod 698 (33%) nabavki;
- Posmatrano po fazama postupka javne nabavke, najveći broj korupcijskih rizika zabilježen je u fazi “Planiranje i objava javne nabavke” (provode se postupci koji nisu planirani Planom javnih nabavki) i u fazi “Realizacija ugovora” (ne postoje podaci o realizaciji ugovora);
- Nastavljen je izraziti trend sklapanja direktnih sporazuma, i to naročito direktnih sporazuma na zakonskoj granici dozvoljene vrijednosti, čime se izbjegava primjena otvorenog, transparentnog postupka.

Više na FB stranici i portalu pratimotendere.ba

Inače, portal Pratimo tendere zaključno sa 30. junom 2021. sadrži podatke o ukupno 7040 postupaka javnih nabavki, ukupne vrijednosti preko 117 miliona KM. Kumulativni podaci pokazuju također rizične koruptivne trendove:

- Od ukupno praćenih 7040 postupaka javnih nabavki, kod 88% (6177) je zabilježen određeni stepen koruptivnog rizika, prvenstveno u fazi “Planiranja i objava javne nabavke”
- Evidentan je trend primjene najmanje transparentnih postupaka – direktnih sporazuma i pregovaračkih postupaka bez objavljivanja obavještenja. Naime, ukupna vrijednost zaključenih ugovora iznosi 117.751.464,00 KM, od čega je čak 73% ove vrijednosti (85.146.163,00 KM) potrošeno primjenom direktnih sporazuma i pregovaračkog postupka bez objave obavještenja.



**PRATIMO
TENDERE**

ANTI-KORUPTIVNE AKTIVNOSTI TRANSPARENCY INTERNATIONAL BIH

U BiH 49 izabranih zvaničnika na lokalnom nivou trenutno obavlja dodatne funkcije u javnim ustanovama i preduzećima, a mnogi od njih su cijeli ili dio mandata u direktnom sukobu interesa! Ovo pokazuju preliminarni rezultati analize podataka o dodijeljenim mandatima nakon Lokalnih izbora 2020. dostupnih na TI BiH Registru nosilaca javnih funkcija. Podaci i primjeri pokazuju da funkcioneri na lokalnom nivou nastavljaju praksu kolega sa viših nivoa vlasti koja je uočena prethodnih godina, a to je da izabrani i imenovani zvaničnici obavljaju po dva ili više angažmana u javnom sektoru.

Gradsko vijeće Grada Srebrenik imenovalo je privremeni Upravni odbor kako bi razriješio direktora JU Doma zdravlja Srebrenik, nakon informacija dostavljenih od strane TI BiH o nespojivosti funkcija direktora, koji istovremeno obavlja funkciju u političkoj stranci, što nije u skladu sa Zakonom o imenovanjima FBiH.

Agencija za zaštitu ličnih podataka u BiH zabranila je opštini Ugljevik i Gradu Bijeljina da kroz tenderske procedure prikupljaju lične podatke i matične brojeve radnika privatnih preduzeća koja su trebala biti angažovana na izvođenju javnih radova. Sve se dogodilo nakon prijave koju je Transparency International u BiH podnio Agenciji jer su lični podaci zaposlenih prikupljeni pred sam početak izborne kampanje.

U okviru saradnje sa USAID projektom E-uprava, TI BiH je održao obuke za organizacije civilnog društva i volontere koje prate provođenje postupaka javnih nabavki u okviru USAID podrške građanima u borbi protiv korupcije u srijedu, 26.05. 2021.godine, i četvrtak, 27.05.2021. godine, u Sarajevu, a teme su: Provođenje postupka javnih nabavke i Centralizacija javnih nabavke.



TRANSPARENCY INTERNATIONAL U BIH
CENTAR ZA PRUŽANJE
PRAVNE POMOĆI

PRIJAVI KORUPCIJU

POTRAŽI PRAVNU POMOĆ

0800 55 555

WWW.PRIJAVIKORUPCIJU.ORG
WWW.TI-BIH.ORG



Povodom 23. juna, **Međunarodnog dana zviždača**, Transparency International u Bosni i Hercegovini (TI BiH) i UG „Zašto ne“ su organizovali dana 22. juna u Banjaluci javnu debatu na temu „Zašto je neophodno osigurati pravnu zaštitu lica koja prijavljuju korupciju?“. Na debati se raspravljalo o postojećim modelima zaštite zviždača u Bosni i Hercegovini, sa posebnim osvrtom na Federaciju BiH, gdje još nije usvojen posebni zakon koji reguliše zaštitu ovih lica. Na debati su učestvovali zastupnici u Parlamentu FBiH, od kojih zavisi usvajanje zakona, advokati, predstavnici civilnog društva, novinari, kao i zviždač koji se trenutno nalazi u postupku zaštite.

TI BiH je podsjetio da u Federaciji Bosne i Hercegovine još nije usvojen Zakon o zaštiti lica koja prijavljuju korupciju, i pozivao zastupnike u Parlamentu FBiH i političke lidere da što prije usvoje ovaj zakon.

U godišnjim izvještajima 15 najvećih stranaka u BiH prikazano je 5 miliona troškova izborne kampanje. Ovaj iznos daleko je manji od realnog, jer je TI BiH kroz monitoring utvrdio da su ove stranke potrošile najmanje 6,7 miliona na samo dva oblika oglašavanja (bilborde i oglašavanje u medijima) i predizborne skupove.

Rezultate **monitoringa izborne kampanje za Lokalne izbore 2020. godine** kao i preporuke za unapređenje zakonskog okvira u oblasti izbornog zakonodavstva TI BiH je predstavio na konferenciji “Integritet izbornog procesa u BiH”, održanoj dana 21. maja 2021. godine. Preporuke i prijedlozi za unapređenje zakonskog okvira kasnije su predstavljeni i članovima Interresorne radne grupe za izmjenu izbornog zakonodavstva.

Kako bi spriječili partijsko zapošljavanje, nepotizam i uplitanje politike u rad škola, TIBiH je uputio inicijativu Ministarstvu prosvjete i kulture RS za izmjene Zakona o osnovnom i srednjem obrazovanju.



- **Bolje definisanje situacija i funkcija na koje se odnosi nespojivost funkcija**
- **Šire definisanje situacija koje predstavljaju zloupotrebu javnih resursa**
- **Jačanja nezavisnosti biračkih odbora i opštinskih izbornih komisija koje bi trebalo da su sačinjenje od nepolitičkih osoba**
- **Zabrane korištenja javnih resursa za promociju stranke**

Inicijativa je pokrenuta kao odgovor na sve češće prijave roditelja, učenika i zaposlenih u školama u RS vezanih za uplitanje politike u proces odlučivanja, imenovanja i rukovođenja u školama te sve češćih primjera političkog zapošljavanja nastavnika u obrazovnim ustanovama u RS.

- Izborom direktora škole bi trebalo da se bavi Školski odbor a ne ministar,
- Od kandidata za direktora bi trebalo da se traži program rada koji je odobren od Republičkog pedagoškog zavoda,
- Vlada bi trebalo da se isključi iz postupka izbora direktora škola,
- Mandat direktora bi trebalo da se ograniči na dva uzastopna mandata,
- Direktor bi trebalo da se imenuje na pet godina kao vid garancije političke neutralnosti!



Korupcija nije problem pojedinca!!!

Grupa ste građana koja se suočava sa korupcijom u vašoj zajednici i zbog toga ne možete da ostvarite pravo koje pripada vama ili širem krugu ljudi?

Trpите posljedice loših odluka donesenih usljed zloupotrebe položaja ovlaštenih lica ili nezakonitog postupanja vlasti?

Kontaktirajte nas u cilju dobijanja podrške vašim inicijativama u borbi protiv korupcije

063 396 536

protivkorupcije@ccibh.org



Podržano:



USAID
OD AMERIČKOG NARODA

Ova publikacija omogućena je uz podršku američkog naroda putem Američke agencije za međunarodni razvoj (USAID).

Sadržaj ove publikacije je isključiva odgovornost Centara civilnih inicijativa (CCI) i ne mora nužno odražavati stavove USAID-a ili Vlade Sjedinjenih Američkih Država.